

DECLARATION  
de la volonté du Roy,  
sur l'ouverture de la  
guerre contre le Roy  
d'Espagne.



A PARIS,

Par Federic Morel, Imprimeur  
ordinaire du Roy.

---

1 5 9 5.

*Avec Privilege dudit Seigneur.*

DECEMBER 1900

105 15 15000 11 16  
11 11 15000 11 16  
105 15 15000 11 16  
105 15 15000 11 16

Case  
FBI  
39  
326

1595 fed

THE NEWBERRY  
LIBRARY

## De par le Roy.

**P**ERSONNE en ce Royaume ny ailleurs n'ignore plus, que le Roy d'Espagne n'ayant peu à guerre ouuerte enuahir & destruire la France protégée de Dieu & defenduë de ses Roys d'heureuse memoire, assiste de leurs bons & loyaux subjets, n'ait suscité & fomenté en icelle les diuisions & partialitez qui l'ont cuidé accabler, & qui l'affligēt encores de present. Car la haine & conuoitise ont passé si auant que non seulement il y a mis & consommé plusieurs grandes sommes de deniers, employé & perdu les principales forces & armées, iusques à abandonner ses propres pays & affaires, mais aussi ozé sous pretexte de pieté attenter ouuertement à la loyauté des François enuers leurs naturels Princes & souverains Seigneurs de tout temps admirée entre toutes les autres nations du monde, en poursuivant iniustement & publiquemēt ceste noble Couronne, pour luy ou pour les siens. Ce qu'il auroit commencé à manier incontinent apres le decceds du feu Roy François





quels luy & les siens exercent encores tous les iours toute hostilité, continuant à les assaillir à force ouuerte, par diuers endroits, forcer & retenir ses villes, prendre prisonniers, mettre à rançon, & massacrer les subjects, leuer contribution & deniers sur iceux, & faire tous autres actes d'ennemy conjuré, iusques à faire attenter à la propre vie de sa Majesté, par assassinemēs & autres villains & detestables moyens: comme il s'est veu ces iours passez, & fust pis aduenü au grand malheur de la Frāce, si Dieu, vray protecteur des Roys, n'eust destourné miraculeusement le coup effroyable, tiré de la main d'un Frāçois (chose horrible & mōstrueuse) mais poussé d'un esprit tres-inhumain, & vrayement Espagnol, contre la personne de sa Majesté. Laquelle fait sur cela sçauoir à tous ceux qu'il appartiendra: Que ne voulant plus longuement deffaillir à son honneur, ny à la protection qu'elle doit à ses subjects, & ausdits Cambresiens, comme elle feroit si elle y soit de plus longue patience & dissimulatiō en la fuite & continuation de tels attētats: voyant mesmes le peu de cōpte qu'ont fait ceux d'Artois & de Hainault (au grand regret de sa Majesté) des admonitions qu'elle a voulu leur faire par lettres expresses de luy ayder à destourner l'o-



commerce, intelligence & association avec le-  
dict Roy d'Espagne, les adherens, seruiteurs &  
subiects, à peine de la hart: a reuoqué & reuo-  
que dès à present toutes sortes de permissions,  
passeports & sauuegardes donnez & octroyez  
par elle ou par ses Lieutenans generaux & au-  
tres contraires à la presente Ordonnance, les  
declare de nulle valleur, & defend d'y auoir  
aucun esgard, quinze iours apres la publica-  
tiō d'icelle: laquelle elle a pour cet effect com-  
mandé estre faicte, à son de trompe & cry pu-  
blic aux prouinces & frontieres du Royaume,  
à fin que nul n'en pretende cause d'ignorance,  
mais que chacun ait à l'observer & executer  
sur peine de desobeyssance. Faict à Paris, le  
dixseptiesme iour de Ianuier, 1595.

Signe, HENRY.

Et plus bas, DENEVFVILLE.